

明史三傳

				和書門
		一六七三六		
		一七三六		
六	四	三	六	
冊	架	函	號	類

169

庫文閣內			
五	六		和
九	七		書
函	三		
六	六	六	
架	冊	號	類

史傳載紀

儒家

內閣文庫		
番號	和	16736
冊數	6 ( 1 )	
函號	159	169

159-169





嘉永壬子冬新鐫

忠義

孝義

列女

# 明史三傳

全部 六冊

東都書林

英 萬笈堂

浪華書林

岡田群玉堂

## 序

淺草文庫

書肆岡羣玉刻明史忠義孝義  
列女三傳成。索余叙。余曰。韙乎  
此舉也。吾今而知我

邦右文之治日隆一日矣。寬延  
中。明史始渡來。當時有閩先生



129-109



明史三傳 卷之一  
者曰。明史全部三百餘卷。不易  
梓行。我平日口誦而心像。李何  
王李之傳。須先刻也。乃刻文苑  
傳。夫忠孝節義之重於文苑人  
皆知之。彼反忽之。何乎。蓋當時  
弘治嘉靖諸子之集。盛行海內。

故其舉。時好之。追而不遑。扶持  
綱常也。嗚呼。賢者識其大者。不  
賢者識其小者。百年前儒先之  
見。猶如彼。而今日。書肆且知忠  
孝節義之為重。不亦蹇乎。然自  
非今時之好在斯。亦安能及此。



我足以觀

右文之治日隆矣。而余猶有憾。西土書肆如陳起毛晉等。能刻數千萬卷之書。以惠士林。我邦書肆。曾不能望其十一。貧富異科。理固宜然。數十年前。猶

能刻浩瀚之書。今則唯急眼前之利。而昧久遠之圖。僅數卷之外。不肯從事。豈謂能報


右文之治也乎。群玉既識其大者。其所為亦將有大於尋常書肆。其欲異日刻明史全部。而試




就此舉猶書之先叙文亦未可測也吾亦叙而俟之

嘉永五年重陽前二日

旭莊廣瀨謙撰



門人阿波榮草書



明史三傳卷之一

教脩

忠義

從古忠臣義士為國捐生節炳一時名垂百世歷代以  
來備極表章尚已明太祖勅紫江左首褒余闕福壽以  
作忠義之氣至從龍將士或功未就而身已若豫章康  
郎山西廟及雞籠山功臣廟所祀諸人爵贈公侯血食  
俎豆侑享太廟恤錄子孫所以褒厲精忠激揚義烈意  
至遠也建文之變群臣不憚膏鼎夔赤姻族以抗成祖  
之威稜雖表忠一錄出自傳疑亦足以知人心天性之



不泯矣。仁宜以降。重熙累洽。垂二百餘載。中間如文正之征。土木之變。宸濠之叛。以暨神熹兩朝。邊陲多故。港身殉難者。未易更僕數。而司勳褒卹之典。悉從優厚。或所司失奏。後人得自陳請。故節烈之績。咸得顯暴於時。迨莊烈之朝。運丁陽九。時則內外諸臣。或隕首封疆。或致命闕下。蹈死如歸者尤衆。今就有明一代。死義死事之臣。博采旁蒐。彙次如左。同死者各因事附見。其事實繁多。及國家興止所繫。或連屬他傳。本末始著。與夫直諫死忠。疏草傳誦人口。槩具前帙。至若抒忠勝國。枕命與朝。稽諸前史。例得並書。我

太祖 太宗。忠厚開基。扶植名教。獎張銓之守義。釋張春而加禮。洪量同天地。大義懸日月。國史所載。煥若丹青。諸臣之遂志成仁。斯為無忝。故備列焉。

花雲 朱文選 許璣等 王愷 孫炎 王道同

牟魯 裴源 王均諒等 王綱 子彥達

王禕 吳雲 熊鼎 易紹宗

琴彭 陳汝石 皇甫斌 子弼 吳貴等

張瑛 熊尚初 王禎 萬琛 王祐

周憲 子幹 楊忠 李膺 吳景 王源 孫奎 馮傑

霍恩 段才 孫燧 許達



黃宏 馬思聰 宋以方 萬木 趙楠等 鄭山 王冕 龔諒

陳聞詩 董倫 王鈇 錢泮 錢鎔 唐一岑

朱哀 齊恩 孫鏗 杜槐 黃釗 陳見等

王德 叔沛 汪一中 王應鵬 唐鼎 蘇夢暘 韋宗孝 龍旌

張振德 炳章 章文 炳等 董盡倫 李忠臣 高光等 龔萬祿 李世勛 翟英等

管良相 李應 期等 徐朝綱 楊以成 鄭鼎 孫克恕

拒文允 孟承 光 朱萬年 秦三 輔等 張璠 王與 龔等

何天衢 湯于 陸 潘宗顏 寶永 澄等 張銓

何廷魁 徐國全

以上

明史三傳卷之一

忠義

花雲 朱文 許璣 等

花雲懷遠人。貌偉而黑。驍勇絕倫。至正十三年癸巳。杖劍謁太祖於臨濠。奇其才。俾將兵略地。所至輒克。破懷遠禽其帥。攻全椒拔之。襲繆家寨。群寇散走。太祖將取滁洲。率數騎前行。雲從。猝遇賊數千。雲舉鉞翼太祖拔劍躍馬衝陣而進。賊驚曰。此黑將軍勇甚。不可當其鋒。兵至遂克滁洲。甲午徙取和州。獲卒三百。以功授管勾。乙未太祖渡江。雲先濟。既克太平。以忠勇宿衛左右。徙



下集慶獲卒三千。擢總管。徇鎮江丹陽丹徒金壇皆克之。過馬馱沙。劇盜數百遮道索戰。雲且行且鬪。三日夜皆禽殺之。授前部先鋒。徙拔常州。守牛塘營。太祖立行樞密院於太平。擢雲院判。丁酉克常熟。獲卒萬餘。命趨寧國。兵陷山澤中。八日。群盜相結梗道。雲操矛鼓譟出入。斬首千百計。身不中一矢。還駐太平。庚子閏五月。陳太諤以舟師來寇。雲與元帥朱文遜。知府許瑗。院判王鼎。結陣迎戰。文遜戰死。賊攻三日不得入。以巨舟乘漲緣舟尾攀堞而上。城陷。賊縛雲。雲奮身大呼。縛盡裂。起奪守者刀。殺五六人。罵曰。賊非吾主敵。盍趣降。賊怒碎

其首。縛諸檣叢射之。罵賊不少變。至死聲猶壯。年三十有九。瑗亦抗罵死。太祖卽吳王位。追封雲東邱郡侯。瑗高陽郡侯。鼎太原郡侯。立忠臣祠。竝祀之。方戰急。雲妻部祭家廟。擊三歲兒。泣語家人曰。城破。吾夫必死。吾義不獨存。然不可使花氏無後。若等善撫之。雲被執。部赴水死。侍兒孫瘞畢。抱兒行。被掠。至九江。孫夜投漁家。脫簪珥。屬養之。及漢兵敗。孫復竊兒走渡江。遇憤軍。奪舟棄江中。浮斫木入葦洲。採蓮實哺兒。七日不死。夜半有老父雷差。繫之行。踰年。達太祖所。孫抱兒拜泣。太祖亦泣。實兒膝上曰。將種也。賜雷差衣。忽不見。賜兒名煒。



累官水軍衛指揮僉事。其五世孫為遼。復州衛指揮。請於世宗。贈部貞烈夫人。孫安人。立祠致祭。文遜者。太祖養子也。嘗與元帥秦友諒攻克無為州。瑗字粟大。樂平人。元末。兩舉鄉第一。太祖駐婺州。瑗謁曰。足下欲定天下。非延攬英雄。難以成功。太祖喜。寘幕中。參軍事。已命守太平。禹儀徵人。初為趙忠養子。忠為總管。克太平。授行樞密院判。鎮池州。趙普勝來寇。忠陣歿。禹嗣職。復故姓。駐太平。至是。三人皆死之。時有劉齊者。以江西行省參政。守吉安。守將李明道。閉門納友諒兵。殺參政。曾萬中。陳海。執齊。及知府宋叔華。脅之降。皆不屈。又破臨安。

執同知趙天麟。亦不屈。竝送友諒所。友諒方攻洪都。殺三人。狗城下。及陷無為州。執知州董曾。曾執罵不屈。沈之江。

王愷

王愷字用和。當塗人。通經史。為元府吏。太祖拔太平。名為掾。徙下京口。撫定新附民。及建中書省。用為都事。杭州苗軍數萬降。待命嚴州境。愷馳諭之。偕其帥至。太祖克衢州。命總制軍民事。愷增城浚濠。置遊擊軍。籍丁壯。得萬餘人。常遇春屯兵金華。部將擾民。愷械而撻諸市。遇春讓愷。愷曰。民者國之本。撻一部將而民安。將軍所

月... 忠議



樂聞也。乃謝愷。時饑疫相仍。愷出倉粟。脩惠濟局。全活無算。學校毀。與孔子家廟之在衢者。竝新之。設博士弟子員。士翕然悅服。闕化馬宣。江出楊明。竝為亂。先後討禽之。遷左司郎中。佐胡大海治省事。苗軍作亂。害大海。其帥多德愷。欲擁之而西。愷正色曰。吾守土。義當死。寧從賊邪。遂竝其子行殺之。年四十六。愷善謀斷。嘗白事未聽。却立戶外。抵暮不去。太祖出怪問之。愷諫如初。卒從其議。後贈奉直大夫。飛騎尉。追封當塗縣男。

孫炎 王道同  
朱文剛

孫炎字伯融。句容人。面鐵色。跛一足。談辨風生。雅負經

濟。與丁復夏煜遊。有詩名。太祖下集慶。召見。請招賢豪成大業。時方建行中書省。用為首掾。從征浙東。授池州同知。進華陽知府。擢行省都事。克處州。授總制。太祖命招劉基。章溢。葉琛等。基不出。炎使再往。基遺以寶劍。炎作詩。以為劍當獻天子。斬不順命者。人臣不敢私。封還之。遺基書數千言。基始就見。送之建康。時城外皆賊。城守無一兵。苗軍作亂。殺院判耿再成。執炎及知府王道同。元帥朱文剛。幽空室脅降。不屈。賊帥賀仁德。燔雁斗酒。噉炎。且飲且罵。賊怒。拔刀叱解衣。炎曰。此紫綺裘。主上所賜。吾當服以死。遂與道同文剛皆見害。時年四



十。追贈丹陽縣男。建像再成祠。道同出中書省宣使。知處州。贈太原郡侯。文剛太祖養子。小字柴舍。變起。欲與再成聚兵殺賊。不及。遂被難。贈鎮國將軍。附祭功臣廟。

牟魯

斐源 朱顯忠 王均 諒等

牟魯烏程人。為莒州同知。洪武三年秋。青州民孫古朴為亂。襲州城。執魯欲降之。魯曰。國家混一海宇。民皆樂業。若等悔過自新。可轉禍為福。不然。官軍且夕至。無遺種矣。戎守土臣。義唯一死。賊不敢害。擁至城南。魯大罵。遂殺之。賊破。詔恤其家。又有白謙。裴源。朱顯忠。王君諒。王名善。黃里。顧師勝。陳敬。吳得。并孚之屬。謙。裴源。知州。

信州盜蕭明來寇。謙力不能禦。懷印出北門。赴水死。源。肇慶府經歷。以公事赴新興。遇山賊陳勇。擲被執。勒令跪。源大罵曰。我命官乃跪賊邪。遂被殺。洪武三年。贈官二等。顯忠如臯人。為張士誠將來降。以指揮僉事。從鄧愈下河州。抵土番。從傅友德克文州。遂畱守之。洪武四年。蜀將丁世珍召番數萬來攻。食盡無援。或勸走避。顯忠叱不聽。攻益急。裹創力戰。城破。為亂兵所殺。均諒時為千戶。被執。不屈。磔死。事聞。贈恤有差。名善。義烏人。高州通判。有海寇何均善。曾被戮。洪武五年。其黨羅子仁率眾潛入城。執名善。不屈死。里雲內州同知。洪武五年。



秋蒙古兵突入城。里率兵巷戰死之。師勝興化人。我眉知縣。洪武十三年。率民兵討賊彭普貴。戰死。詔褒恤。敬增城人。洪武十四年。舉賢良。為曲靖府經歷。署劍川州事。鄰寇來攻。敬禦之。官兵寡欲退。敬瞋目大呼。力戰死。命恤其家。得全椒人。龍里守禦所千戶。洪武三十年。古州上婆洞蠻作亂。得與鎮守將井孚守城。賊燒門急攻。二人閉門奮擊。得中毒弩死。孚戰死。贈得指揮僉事。孚正千戶。子孫世襲。

王綱 子彥道

王綱字性常。餘姚人。有文武才。善劉基。常語曰。老夫樂

山林。異時得志。勿以世緣累我。洪武四年。以基薦。徵至京師。年七十。齒髮神色如少壯。太祖異之。策以治道。擢兵部郎。潮民弗靖。除廣東參議督兵餉。嘆曰。吾命盡此矣。以書訣家人。攜子彥達行。單舸往諭。潮民叩首服罪。還抵增城。遇海寇曹真。截舟羅拜。願得為帥。綱諭以禍福。不從。則奮罵。賊昇之去。為壇坐。綱日拜請。綱罵不絕聲。遂遇害。彥達年十六。罵賊求死。欲竝殺之。其首曰。父忠子孝。殺之不祥。與之食。不顧。令綴羊革裹父屍而出。御史郭純以聞。詔立廟死所。彥達以廕得官。痛父終身不仕。





王禕 吳雲

王禕字子充。義烏人。幼敏慧。及長。身長嶽立。屹有偉度。師柳貫黃潛。遂以文章名世。觀元政衰敝。為書七八千言。上時宰危素。張起巖。竝薦不報。隱青岩山。著書名曰盛。太祖取婺州。召見。用為中書省掾史。征江西。禕獻頌。太祖喜曰。江南有二儒。卿與宋濂耳。學問之博。卿不如濂。才思之雄。濂不如卿。太祖創禮賢館。李文忠薦禕及許元。王天錫。召真館中。旋授江南儒學提舉司校理。累遷侍禮郎。掌起居注。同知南康府事。多惠政。賜金帶寵之。太祖將即位。召還議禮。坐事忤旨。出為漳州府通判。

洪武元年八月。上疏言。祈天永命之要在忠厚以存心。寬大以為政。法天道順人心。雷霆霜雪可暫不可常。浙西既平。科歛當減。太祖嘉納之。然不能盡從也。明年脩元史。命禕與濂為總裁。禕史事擅長。裁煩剔穢。力任筆削。書成。擢翰林待制。同知制誥。兼國史院編脩官。奉詔預教大本堂。經明理達善。閱導。召對殿廷。必賜坐。從容宴語。未久。奉使吐蕃。未至。召還。五年正月。議招諭雲南。命禕齎詔往。至則諭梁王。亟宜奉版圖歸職方。不然天討且夕至。王不聽。館別室。他日又諭曰。朝廷以雲南百萬生靈。不欲殲於鋒刃。若恃險遠。抗明命。龍驤鷁艦。會



戰昆明。悔無及矣。梁王駭服。卽爲改館。會元遣脫脫微  
餉。晉王以危言。必欲殺禕。王不得已。出禕見之。脫脫欲  
屈禕。禕叱曰。天旣訖汝元命。我朝實代之。汝燭火餘燼。  
敢與日月爭明邪。且我與汝皆使也。豈爲汝屈。或勸脫  
脫曰。王公素負重名。不可害。脫脫攘臂曰。今雖孔聖。義  
不得存。禕顧王曰。汝殺我。夫兵繼至。汝禍不旋踵矣。遂  
遇害。時十二月二十四日也。梁王遣使致祭。具衣冠。歛  
之。建文中。禕子紳。訟禕事。詔贈翰林學士。謚文節。正統  
中。改謚忠文。成化中。命建祠祀之。紳字仲縉。禕死時年  
十三。鞠於兄。殺事母兄盡孝友。長博學。受業宋濂。濂語

之曰。吾友不也矣。蜀獻王聘紳。待以客禮。紳啓王往雲  
南。求父遺骸。不獲。卽死所。致祭。述滇南慟哭記以歸。建  
文帝時。用薦召爲國子博士。預修大祖實錄。獻大明鏡  
歌鼓吹曲十二章。與方孝孺友善。卒官。子祿。字叔豐。師  
方孝孺。孝孺被難。與其友鄭珣輩。潛收遺骸。禍幾不測。  
自是絕意仕進。初紳痛父也。食不兼味。祿守之不變。居  
喪。不飲酒。不食肉者三年。門人私謚曰孝莊先生。子汶  
字允達。成化十四年進士。授中書舍人。謝病歸。讀書齊  
山下。弘治初。言者交薦。與檢討陳獻章同召。未抵京卒。  
禕死雲南之三年。死事者。又有吳雲。雲宜。興人。元翰林



待制。仕太祖為湖廣行省參政。洪武八年九月。太祖議再遣使招諭梁王。召雲至。語之曰。今天下一家。獨雲南未奉正朔。殺我使臣。卿能為我作陸賈乎。雲頓首請行。時梁王遣鐵知院輩二十餘人使漠北。為大將軍所獲。送京師。太祖釋之。令與雲偕行。既入境。鐵知院等謀曰。吾輩奉使被執。罪且死。乃誘雲。令詐為元使。改制書。共給梁王。雲誓死不從。鐵知院等遂殺雲。梁王聞其事。收雲骨。送蜀。給孤寺殯之。雲子徽。上雲事於朝。詔馳傳返葬。以徽為國子生。弘治四年五月。贈雲刑部尚書。謚忠節。與禕並祠。改祠額曰二忠。

熊鼎

熊鼎字伯穎。臨川人。元末舉於鄉。長龍溪書院。江西寇亂。鼎結鄉兵自守。陳友諒屢脅之。不應。鄧愈鎮江西。數延見奇其才。薦之太祖。欲官之。以親老辭。乃畱愈幕府。贊軍事。母喪除。召至京師。授德清縣丞。松江民錢鶴舉反。鄰郡大驚。鼎鎮之。以靜。吳元年。召議禮儀。除中書省功博士。遷起居注。承詔搜括故事。可懲戒者。書新宮壁間。舍人耿忠。使廣信還。奏郡縣官違法狀。帝遣御史廉之。而時已頒赦書。丞相李善長再諫不納。鼎偕給事中尹正進曰。朝廷布大信於四方。復以細故煩御史。失信



且褻威帝默然久之。乃不遣御史。洪武攻元。新設浙江按察司。以鼎為僉事。分部台溫。台溫自方氏竊據為官。悍將二百人。暴橫甚。鼎盡遷之江淮間。民始安。平陽知州梅鑑坐贓。辨不已。民數百咸訴。知州無罪。鼎將聽之。吏白鼎。釋知州如故。出何。鼎歎曰。法以誅罪。吾敢畏謹。誅無罪人乎。釋鑑以情聞。報如其奏。寧海民陳德仲。支解黎異。異妻屢訴不得直。鼎一日覽牒。有青蛙立案上。鼎曰。蛙非黎異乎。果異。止勿動。蛙果勿動。乃逮德仲鞠實。立正其罪。是秋山東初定。設按察司。復以鼎為僉事。鼎至。奏罷不職有司數十輩。列部肅清。鼎欲稽官吏利

弊。乃令郡縣各置二曆。日書所治訟獄錢粟事。一留郡縣。一上憲府。遞更易。按曆鈎考之。莫敢隱者。尋進副使。徙晉王府右傅。坐累左遷。復授王府參軍。召為刑部主事。八年。西部朶兒只班率部落內附。改鼎岐寧衛經歷。既至。知寇偽降。密疏論之。帝遣使慰勞。賜裘帽。復遣中使趙成召鼎。鼎既行。寇果叛。脅鼎北還。鼎責以大義。罵之。遂與成及知事杜寅俱被殺。帝聞悼惜。命葬之。黃羊川立祠。以所食俸給其家。

易紹宗攸人。洪武時從軍有功。授象山縣錢倉所千戶。建文三年。倭登岸剽掠。紹宗大書於壁曰。設將禦敵。設



軍衛民。縱敵不忠。棄民不仁。不忠不仁。何以爲臣。爲臣不職。何以爲人。書畢。命妻李具牲酒。生奠之。訣而出。寇令遊兵間道焚賊舟。賊驚救。紹宗格戰。追至海呀。陷澤中。手刃數十賊。遂被害。其妻攜孤奏於朝。賜葬祭。勒碑旌之。

琴彭 陳汝石等

琴彭。交趾人。永樂中。以父安知府。署茶籠州事。有善政。宣德元年。黎利反。率衆圍其城。彭拒守。七月。糧盡。卒疲。諸將無援者。巡按御史飛章請救。宣宗馳救。責榮昌伯陳智等曰。茶籠守彭被困。孤城矢死。無貳。若等不援。將

何以逃責。急發兵解圍。無干國憲。敕未至。而城陷。彭死之。詔贈交趾左布政使。送一子京師。官之。時交趾人陳汝石。朱多蒲。陶季容。陳江。亦皆以忠節著。汝石初爲陳氏小校。大軍南征。率先歸附。積功至都指揮僉事。永樂十七年。四化土官車綿子等叛。汝石從方政討之。深入賊陣。中流矢墜馬。與千戶朱多蒲皆死。多蒲亦交趾人。事聞。遣行人賜祭。賻其家。官爲置塚。

皇甫斌 子 吳貴等

皇甫斌。壽州人。先爲興州右屯衛指揮同知。以才調遼海衛。忠勇有智略。遇警輒身先士卒。宣德五年十月。勒



兵禦寇。至容城東峪。自且及晡。力戰矢盡援絕。子弼以身衛父。俱戰死。千戶吳貴。百戶吳襄。毛觀。竝驍勇。出必衝鋒。至是皆死。斌等雖死。殺傷過當。寇亦引退。事聞。詔有司褒恤。

張瑛 熊尚初等

張瑛字彥華。浙江建德人。永樂中舉於鄉。歷刑部員外郎。正統時擢建寧知府。鄧茂七作亂。賊二千餘追城。結砦四出。標掠。瑛率建安典史鄭烈。會都指揮徐信軍。分三路襲之。斬首五百餘。遂拔其砦。進右參議。仍知府事。烈亦遷主簿。茂七既誅。其黨林拾得等。轉掠城下。瑛與

從父敬禦之。賊破。乘勝逐北。陷伏中。敬死。瑛被執。大罵不屈死。詔贈福建按察使。賜祭官其子。弘治中。建寧知府劉璵請於朝。立祠致祭。時泉州守熊尚初亦以拒賊被執死。尚初南昌人。初為吏。以才擢都察院都事。進經歷。正統中。用都御史陳鑑薦。擢泉州知府。盜起。上官檄尚初監軍。不旬日。降賊數百。已而賊逼城下。守將不敢禦。尚初憤。提民兵數百。與晉江主簿史孟常。陰陽訓術楊仕弘。分統之。非於古陵坡。兵敗。皆遇害。郡人哀之。為配享忠臣廟。

王禎



王禎字維禎。吉水人。祖省。死建文難。自有傳。成化初。禎由國子生。授夔州通判。二年。荆襄石和尚流劫至巫山。督盜同知王某者。怯不救。禎面數之。卽代勒所部民。晝夜行。至則城已陷。賊方聚山中。禎擊殺其魁。餘盡遁。乃行縣。撫傷殘。招潰散。久乃得還。甫三日。賊復劫大昌。禎趨同知行不應。指揮曹能榮成。與同知比。激禎曰。公爲國出力。肯復行乎。禎卽請往。兩人僞許。相左右。禎上馬。挾二人。與俱夾水陣。旣渡。兩人見賊卽走。禎被圍半日。誤入淖中。賊執欲降之。禎大罵。賊怒。斫其喉。及右臂而死。從行者奉節典史及部卒六百餘人皆死。自死所

至府。三百餘里。所乘馬奔歸。血淋漓。毛盡赤。衆始知禎敗。往覓屍。面如生。子廣鬻馬爲婦貲。王同知得馬不償直。櫬旣行。馬夜半哀鳴。同知起視之。馬驟前。齧項。搏其胸。翌日嘔血死。人稱爲義馬。事聞。贈禎僉事。錄一子。

萬琛 王祐

萬琛字廷獻。宣城人。慷慨負氣節。舉於鄉。弘治中。知瑞金縣。十八年正月。劇盜大至。縣人恟洶。逃竄。有勸琛急去者。琛斥之。率民兵數十人迎敵。殺賊二十餘人。相持至明日。力屈被執。罵不絕口。賊攢刺之。乃死。贈光祿少卿。賜祭葬。予廕。時有王祐者。爲廣昌知縣。賊至。民盡逃。



援兵又不至。祐拔刀自刎其腹曰。有城不能守。何生為。左右奔奪其刀。後援兵集。賊稍退。越七日復突至。祐倉皇赴敵死之。

周憲子幹

周憲安陸人。弘治六年進士。除刑部主事。進員外郎。十七年坐事下詔獄。謫兗州通判。正德初復故官。歷江西副使。華林馬腦賊方熾。總督陳金檄憲勦之。平馬腦砦及仙女雞公嶺諸寨。先後斬獲千餘人。華林賊窘。遣謀者說言饑困狀。憲信之。移檄會師夾擊。他將多觀望。憲攻北門。三戰賊稍却。與子幹先登逼之。賊下木石如兩

軍潰。憲中槍。幹前救。力戰墮崖死。憲創重被執。罵不絕口。賊支解之。事始聞。贈按察使。予祭葬。謚節愍。廕一子。旌幹門曰孝烈。嘉靖二年。江西巡撫盛應期請與黃宏馬思聰竝旌。詔附祀忠烈祠。後從給事中李鐸言。命有司歲給其家米二石。帛二匹。

楊忠李膺等

楊忠寧夏人。世官中衛指揮。以功進都指揮僉事。膺介有謀勇。正德五年。安化王寘鐮反。其黨丁廣將殺巡撫安惟學。忠在側罵曰。賊狗敢犯上邪。廣怒殺之。迺死罵益厲。忠同官李膺聞變馳至寘鐮所。門閉不得入。大罵



為賊所殺。百戶張欽不從逆。走至雷福堡。亦被殺。皆贈官。予廕。表忠。睿曰。忠烈之門。欽曰。忠節之門。

吳景 王源 孫壘等 馮傑

吳景南陵人。弘治九年進士。正德中。歷官四川僉事。守江津。重慶人曹弼。亡命播州。糾眾寇川南。謀與大盜藍廷瑞合。六年正月。逼江津。御史俞縉遁去。屬景及都指揮龐鳳禦之。鳳邀景俱走。景不可。率典史張俊迎擊。手殺三賊。矢被面。急收兵入保。城已陷。大呼曰。寧殺我。毋殺士民。賊強之。跪。不屈。遂被殺。俊亦死。巡撫林俊上其事。詔贈景副使。賜祭葬。立祠江津。予世廕。是月。僉事王

源。行部川北。會藍廷瑞。鄢本恕等。掠通巴。至營山。源率典史鄧俊禦之。皆被殺。贈源副使。廕其子。源。五臺人。弘治十二年進士。明年正月。賊麻六兒。將逼川東。副使馮傑。追擊於蒼溪。俘斬頗衆。日晡。移營鐵山關。賊乘夜衝突。傑死之。贈按察使。賜祭葬。謚恪愍。世廕百戶。是時畧陽知縣孫壘。劍州判官羅明。梁由。主簿時植。亦皆死於賊。壘字廷信。代州人。舉於鄉。知扶風縣。都御史藍章。以畧陽漢中要地。奮無城。檄壘往城之。工未畢。賊至。縣令嚴順欲去。壘拔力斫坐。凡日。欲去者視此。乃率寮屬堅守。數日。城陷。壘被執。大罵不屈。賊鬻殺之。順逃去。誣壘

明史紀事本末

十一



俱逃溺於江。以他人屍歛。璽子啓視非是。訟於朝。勘得死節狀。贈光祿少卿。賜祭予廕。抵順罪。明以更起家。鄢本起。逼其城。與子介拒守。城陷。父子皆罵賊死。植字良材。通許人。由國子生授官。時攝縣事。賊方四等畧地。植拒却之。斬獲數十級。踰月復至。相拒數日。城陷。說之降。不屈。脅取其印。不予。大罵被殺。妻賈聞變。即自縊。女九歲赴火死。明植皆贈恤如制。而表植妻女為貞烈。其時士民冒死殺賊者。有趙趨。徐敬之。雷應通。袁璋之屬。趨梁山諸生。賊攻城。同友人黃甲。李鳳。何璟。蕭銳。徐宣揚。茂寬。趙采。誓死拒守。城陷皆死。都御史林俊嘉其義。立

祠祀之。敬之亦梁山人。衆推為部長。以拒賊。陷陣死。應通嘉州人。賊衝百丈關。父子七人。倡義死戰。被執俱慷慨就殺。璋江南人。素以勇俠聞。巡撫林俊委勦賊所在有功。後為所執。其子襲挺身救之。連殺七賊。亦被執俱死。襲死三日。兩目猶瞪視其父。林俊表其門曰父子忠節。總制彭澤為勒石城隍。廟祀於忠孝祠。

霍恩 張汝舟等

霍恩字天錫。易州人。弘治十五年進士。正德中。歷知上蔡縣。六年賊四起。中原郡邑多殘破。畿內則棗強知縣段豸。大城知縣張汝舟。河南則恩及典史梁達。西平知



縣王佐。主簿李銓。葉縣知縣唐天恩。永城知縣王鼎。裕  
州同知郁采。都指揮詹濟。鄉官任賢。固始丞曾基。夏邑  
丞安宜。息縣主簿邢祥。睢寧主簿金聲。邱紳。西華教諭  
孔環。山東則萊蕪知縣熊驥。萊州衛指揮僉事蔡顯。南  
畿則靈璧主簿蔣賢。皆抗節死。而恩佐采環死尤烈。恩  
與梁達共守。當賊至時。語妻劉曰。脫有急。汝若何。劉願  
同死。乃築臺。厠後。約曰。見我下城。即賊入矣。及城陷。恩  
拔刀下城。劉臺上見之。即縊。未絕。以簪刺心死。恩被執。  
賊脅之跪。罵曰。吾此膝肯為賊屈乎。賊曰。殺人以懼之。  
罵益厲。賊以刀抉其口。支解之。達自經死。牙字世高。澤  
罵益厲。賊以刀抉其口。支解之。達自經死。牙字世高。澤

為人。起家進士。正德中。授兵科都給事中。謫棗強令。賊  
至。連戰却之。及城陷。中四矢。一鎗。瞋目大呼。殺賊而死。  
賊屠其城。汝舟官大城時。與主簿李銓。迎戰。皆被殺。佐  
字汝弼。潞。為舉人。授西平令。手殺賊數十人。矢斃。其渠  
帥。賊忿。急攻三日。佐力屈。被執。罵不絕口。賊懸諸竿。殺  
而支解之。天恩知葉縣。賊至。與父政等七人俱死。鼎知  
永城。城陷。繫印於肘端。坐待賊。不屈死。采字亮之。浙。注  
山陰人。進士。由主事。謫教諭。遷裕。為同知。與濟賢共堅  
守。斬獲多。城陷。被執。采罵不輟。賊碎其輔頰而死。濟亦  
不屈死。賢嘗為御史。方里居。招邑子三千人拒守。罵賊



死。一家死者十三人。基為固始丞被執。使馭馬不從。被害。宣初授夏邑丞。賊楊虎逼其境。或勸毋往。宣兼程進。抵任七日。賊大至。拒守有功。城陷死之。祥已致仕。城陷。罵賊死。聲紳與義士朱用之迎戰死。環南宮人。由歲貢生。授來安知縣。為劉瑾黨所陷。左遷西華教諭。被執。賊曰。呼我王。即釋汝。厲聲曰。我恨不得碎汝萬段。肯媚汝求活耶。遂被殺。驂為賊所執。與主簿韓塘俱不屈死。顯與三子俱英順。俱禦盜力戰死。諸人死節事聞。皆贈官賜祭。予廕立祠如制。恩妻劉贈宜人。建忠節坊旌之。天恩。典基宣祥諸人。里貫無考。時有鄭寶為鬱林州同知。

署北流縣事。效賊李通寶。犯北流。寶與子宗珪出戰皆死。王振者為福建黃崎鎮巡檢。海寇大至。率三子臣朝寶迎戰。竟日。伏兵起。振被殺。屍僵立。三子救之。臣重傷。朝寶皆死。亦予恤有差。

孫燧

孫燧字德成。餘姚人。弘治六年進士。歷刑部主事。再遷郎中。正德中。歷河南右布政使。寧王宸濠有逆謀。結中官幸臣。日夜調中朝事。幸有變。又劫持群吏。厚餌之。使為已用。惡巡撫王哲不附已。毒之。得疾踰年死。董傑代哲。僅八月亦死。自是官其地者。惴惴以得去為幸。代傑



者任漢俞諫。皆歲餘罷歸。燧以才節著治聲。廷臣推之。代。十年十月。擢右副都御史。巡撫江西。燧聞命歎曰。是當死生以之矣。遣妻子還鄉。獨携二僮以行。時宸濠逆狀已大露。南昌人洶洶。謂宸濠且暮得天子。燧左右悉宸濠耳目。燧防察密。左右不得窺。獨時時為宸濠陳說大義。卒不悛。陰察副使許達忠勇。可屬大事。與之謀。先是副使胡世寧。暴宸濠逆謀。中官幸臣為之地。世寧得罪去。燧念訟言於朝無益。乃托禦他寇。預為備。先城進賢。次城南康。瑞州。惠建昌縣多盜。割其地。別置安義縣。以漸弭之。而請復饒撫二司兵備。不得復。則請救湖東。

分巡義理之。九江當湖衝最要害。請重兵備道權。兼攝南康。寧州。武寧。瑞昌。及湖廣與國通城。以便控制。廣信。橫峰。青山。諸窳地。險人悍。則請設通判。駐弋陽。兼督旁五縣兵。又恐宸濠劫兵器。假討賊。盡出之他所。宸濠圖燧。使人賂朝中幸臣去燧。而遺燧棗梨薑芥以示意。燧笑却之。達勸燧先發。後聞燧曰。奈何予賊以名。且需之。十三年江西大水。宸濠素所蓄賊凌十一。吳十三。閔念四等。出沒播陽河。燧與達謀捕之。三賊遁沙井。燧自江外掩捕。夜大風雨。不克濟。三賊走匿宸濠祖墓間。於是密疏白其狀。且言宸濠必反。章七上。輒為宸濠遮。



護不得達。宸濠志甚。因宴毒燧不死。燧乞致任。又不許。憂懼甚。明年宸濠殛鎮巡官。奏其孝行。燧與巡按御史林潮、冀籍是少。綏其謀。乃共奏於朝。朝議方降旨。責燧等。會御史蕭淮盡發宸濠不軌狀。詔重臣宣諭。宸濠聞遂決計反。六月乙亥。宸濠生日。宴鎮巡三司。明日燧及諸大吏入謝。宸濠伏兵左右。大言曰。孝宗為李廣所悞。抱民間子。我祖宗不血食者十四年。今太后有詔。令我起兵討賊。亦知之乎。衆相顧愕眙。燧直前曰。安得此言。請出詔示我。宸濠曰。毋多言。我往南京。汝當扈駕。燧大怒曰。汝速死耳。天無二日。吾豈從汝為逆哉。宸濠怒叱

燧益怒。急起。不得出。宸濠入內殿。易戎服出。麾兵縛燧。燧奮曰。汝曹安得辱天子大臣。因以身翼蔽燧。賊并縛燧。二人且縛且罵不絕口。賊擊燧折左臂。與燧同曳出。建謂燧曰。我勸公先發者。知有今日故也。燧連同遇害。惠民門外。巡按御史王金。布政使梁辰。以下咸誓首呼萬歲。宸濠遂發兵。僞署三賊為將軍。首遣婁伯。徇進賢。為知縣劉源清所斬。招黨賊。賊畏守吏不敢發。大索兵。罷於城中不得。賊多持白挺。伍文定起義兵。設兩人木主於文天祥祠。率吏民哭之。南贛巡撫王守仁與共平賊。諸逋賊走安義。皆見獲。無脫者。人於是益思燧功。



燧生有異質。兩目爍々。夜有光。死之日。天忽陰慘。烈風驟起。兀數日。城中民大恐。走收兩人屍。屍未變。黑雲蔽之。蠅蚋無近者。明年守臣上其事於朝。未報。世宗卽位。贈禮部尚書。謚忠烈。與建竝祀南昌。賜祠名旌忠。各廕一子。燧子堪。聞父訃。率兩弟墀陞赴之。會宸濠已擒。扶柩歸。兄弟廬墓。蔬食三年。有芝一莖九葩者。數本產墓上。服除。以父死難。更墨衰三年。世稱三孝子。堪字志健。爲諸生。能文。善騎射。旣廕錦衣。中武會試第一。擢署指揮。同知。善用強弩。教弩卒數千人。以備邊。歷都督僉事。事母揚至孝。母年九十餘。歿京師。堪年亦七十。護喪歸。

在道以毀卒。巡按御史趙炳然。上堪孝行得旌。堪子鉅亦舉武會試。官都督同知。鉅子如津。都督僉事。墀字仲泉。以選貢生。歷官尚寶卿。陞官尚書。墀孫如游。大學士。如游孫嘉績。僉事。陞子鑾。鑾皆尚書。鑾侍郎。錄大僕卿。鑾子如法。主事。如洵。參政。竝以文章行誼世其家。陞鑾鑾如游。如法。嘉績事皆別見。

許達

許達字汝登。固始人。正德三年進士。長身巨口。猿臂燕頤。沈靜有謀畧。授樂陵知縣。六年春。泚賊劉七等屠城邑。殺長吏。諸州縣率閉城守。或棄城遁。或遺之芻粟弓



馬亡賊母攻達之官。慨然為戰守計。縣初無城。督民版築。不踰月。城成。令民屋外築牆。牆高過簷。啓圭竇。才容人。家選一壯者。執刃伺竇內。餘皆入隊伍。日視旗為號。違者軍法從事。又募死士。伏巷中。洞開城門。賊果至。旗舉。伏發。竇中人皆出。賊大驚竄。斬獲無遺。後教犯。教却之。遂相戒不敢近。事聞。進秩二等。時知縣能抗賊者。益都則牛鸞。鄰城則唐龍。汝上則左經。濟則陳滯。然所當賊少。而達屢禦大賊有功。遂與鸞俱超擢。兵備僉事。達駐武定州。州城北濠平。不能限牛馬。達築城鑿池。設樓櫓。置巡卒。明年五月。賊揚寡婦以千騎犯濰縣。指揮喬

剛禦之。賊少却。達追敗之高苑。令指揮張勳邀之滄州。先後俘斬二百七十餘人。未幾。賊別部掠德平。達盡殲之。威名大著。十二年。遷江西副使。時宸濠黨暴橫。達以法痛繩之。嘗言於孫燧曰。寧王敢為暴者。特權巨也。權臣左右之者。貪重賄也。重賄由於盜藪。今惟剪盜則賄息。賄息則黨孤。燧深然之。每事輒與密議。及宸濠縛燧。達爭之。宸濠素忌達。問許副使何言。達曰。副使惟赤心耳。宸濠怒曰。我不能殺汝邪。達罵曰。汝能殺我。天子能殺汝。汝反賊。萬段磔汝。汝悔何及。宸濠大怒。并縛之。曳出斫其頸。屹不動。賊眾共推抑令跪。卒不能。遂死。年三



十六初達以文天祥集貽其友給事中張漢卿而無書。漢卿語人曰寧邸必反汝登其為文山乎。達父家居聞江西有變我。都御史及副使。即為位易服哭。人怪問故。父曰副使必吾兒也。世宗即位。贈左副都御史。謚忠節。廕一子。又錄山東平賊功。復廕一子。嘉靖元年詔達死事尤烈。改贈達禮部尚書。進廕指揮僉事。長子瑒好學。有器識。既葬。父日夜號泣。六年而後就廕。人或趣之。瑒曰。吾父死。瑒乃因得官。痛哭不能仰視。瑒子郊事親孝。隆慶中舉於鄉。數試禮部不第。有試官與瑒婚姻。慕郊才。欲收羅之。郊曰。若此何以見先忠節地下。許氏子孫。

不如孫氏貴顯亦能傳其家。

黃宏 馬思聰

黃宏字德裕。鄞人。弘治十五年進士。知萬安縣。民好訟。訟輒禱於神。宏毀其祠曰。令在何禱也。訟者至。輒片言折之。累遷江西左參議。按湖西嶺北二道。王守仁討橫水桶岡賊。宏主餉有功。賊閔念四既降。復恃宸濠勢。剽九江上下。宏發兵捕之。走匿宸濠祖墓中。盡得其輜重。以歸。宸濠逆節益露。士大夫以為憂。宏正色曰。國家不幸有此。我輩守土死而已。有持大義不從宸濠黨者。宏每陰左右之。宸濠反。宏被執。憤怒以手梏向柱擊項。是



夕卒。賊義而棺斂之。子紹文奔赴求得其棺。以偽命治斂。非父志。亟易之扶歸。時主事馬思聰亦抗節死。思聰字懋聞。莆田人。弘治末舉進士。為象山知縣。復二十六年。漑田萬頃。累遷南京戶部主事。督糧江西。駐安仁。值宸濠反。被執繫獄。不屈。絕食六日死。世宗立。贈宏太常少卿。思聰光祿少卿。並配享旌忠祠。時有謂宏思聰死節非真者。給事中毛玉勘江西逆黨。復請表章宏思聰及承奉周儀。而宏子紹武訴於朝。巡按御史穆相列上二人死節狀甚悉。遂無異議。

宋以方萬木趙楠等鄭山

宋以方字義卿。靖州人。弘治十八年進士。歷戶部郎中。正德十年。遷瑞甌知府。時華林大盜甫平。瘡痕未復。以方悉心撫字。吏民愛之。宸濠逆謀萌。而瑞故無城郭。以方築城繕守。具募兵三千。日夕訓練。宸濠深忌之。有徵索。又不應。遂迫鎮守。劾繫南昌獄。明日宸濠反。出以方脅之降。不可。械舟中。至安慶。兵敗。問地何名。舟子云黃石磯。江西人音則王失機也。宸濠以為不祥。斬以方祭江。後賊平。其子崇學求遺骸不得。斂衣冠歸葬。嘉靖六年。巡撫陳洪謨上其事。詔贈光祿卿。廕一子。立祠瑞州。方宸濠之謀為變也。西江士民受害者。不可勝紀。初遣



閩校四出籍民田廬收縛豪強不附者有萬木鄭山俱  
新建人集鄉人結砦自固賊黨謝重一馳入村二人執  
之積葦張睢陽廟前縛人馬生焚之濠黨不敢犯二人  
飲江上為賊凌十一所逼趣見濠濠烙而推之皆罵賊  
死趙楠南昌諸生兄模嘗捐粟佐振濠濠捕摸索金楠  
代住脅之不屈被掠死同邑辜增見迫抗節不從一家  
百口皆死諸生劉世倫儒士陳經官義士李廣源皆被  
掠不屈死葉景恩者以俠聞族居吳城濠濠將作難捕  
景恩脅降之不從死獄中濠濠兵過吳城景恩弟景允  
以三百人邀擊賊賊分兵焚劫景允家其族景集景修

等四十九人皆死又有閩順者為寧府典寶副濠濠將  
反順與典膳正陳宜內使劉良微言不可為典寶正涂  
欽所器三人懼誅潛詣京師上變群小庇濠濠下之獄  
榜掠備至宸濠聞三人赴都慮事泄誣奏其罪且族群  
小必殺之會已遣戍孝陵乃免世宗立復官

王冕 龔諒

王冕字服周洛陽人正德十二年進士除萬安知縣宸  
濠反長吏多奔竄冕募勇壯士得死士數千人從王守  
仁攻復南昌宸濠解安慶圍還救至鄱陽湖兩軍相拒  
濠盡出金帛犒士殊死戰官軍不利冕密白守仁以小



艇實葦於中。擬建昌人語。就賊艦。乘風舉火。濠兵大驚。遂潰敗。焚溺死者無算。濠易舟挾宮人道。冕部卒掉漁舟追執之。宸濠子守仁封新建伯。而冕未及叙。坐他事落職。既而錄前功。擢兵部主事。巡視山海關。嘉靖三年十二月。遼東妖賊陸雄李真等作亂。突入關。侍吏欲扶冕趨避。冕不可。曰。吾有親在。急趨母所。執兵以衛。賊至。母被傷。冕奮前救之。被執。脅以刃。大罵。遂見害。詔贈光祿少卿。有司祠祀。世宗嗣位之歲。寧津盜起。轉掠至德平。知縣龔詠率吏民禦之。力屈被殺。贈濟南通判。恤其家。

陳聞詩 董倫

陳聞詩字廷訓。柘城人。嘉靖中舉於鄉。以親老。絕意仕進。親歿。居喪哀毀。三十二年秋。賊帥尚詔陷歸德。聞詩名。欲劫為帥。已陷柘城。擁之至。誘說百端。不屈。引其家數人斬之。曰。不從滅而族。聞詩給曰。必欲吾行。毋殺久。毋縱火。賊許諾。擁以行。聞詩遂不食。至鹿邑自經死。董倫。歸德檢校也。尚詔入歸德。知府及守衛官皆遁。倫率民兵巷戰。被執。垂死。猶手刃數賊。妻賈及童僕皆從死。詔贈聞詩鳳陽同知。倫歸德同知。並立祠死所。

王鈇 錢泮

王鈇 錢泮



王鈇字德威。順天人。嘉靖二十九年進士。授常熟知縣。濱海多大獍。匪亡命作奸。鈇悉貫其罪。倭患起。鈇語諸獍曰。何以報我。咸請効死。於是立耆長。部署子弟。得數百人。合防卒訓練。縣故無城。鈇率士平城之。倭來薄。數禦却之。已自三丈浦。分掠常熟。江陰。參政任環。令鈇與指揮孔燾。分統官民兵三千破其寨。斬首百五十有奇。焚二十七艘。餘倭皆遁。復掠旁縣。將由尚湖還海。鈇憤曰。賊尚敢涉吾地。邪。必擊殺之。會邑人錢泮字鳴聲者。以江西參政里居。忿倭蕪其父柩。力從吏贊鈇。乃用小艇數十躡倭。倭來擊之。隘中獨耆長數人從。皆力鬪死。

鈇陷淖。瞑目大呼。腹中刃死。泮被數槍。殺三賊而死。時三十四年五月也。詔贈泮光祿卿。鈇大僕少卿。並廕錦衣。世百戶。遣官諭祭。立祠死所。歲時奉祀。

錢鐔 唐一岑

錢鐔字鳴叔。鍾祥人。嘉靖二十九年進士。授江陰知縣。初至官。倭已熾。三十三年入犯。鄉民奔入城者萬計。兵備道王從古不納。鐔曰。民死不救。守空城奚爲。遂闕門縱之入。而身自搏戰於斜橋。三戰却之。明年六月。倭據蔡涇閘。分衆犯塘頭。鐔提狼兵戰九里山。薄暮雷雨大作。伏四起。狼兵悉奔。鐔戰死。時唐一岑知崇明縣。建新



城。成。議徙居。為千戶高才翟欽所沮。倭突入。一岑戰且  
罾。遂為亂軍所殺。詔贈錫一岑光錄少卿。錫世廕錦衣  
百戶。岑廕國子生。並建祠祀。

朱裒 齊恩

朱裒字崇晉。鄖西人。嘉靖中舉於鄉。署鞏縣教諭事。遷  
武功知縣。抑豪強。祛積弊。閩中呼為鐵漢。遷揚州同知。  
吏無敢索民一錢。三十四年倭入犯。擊敗之沙河。截其  
首還。所掠牲畜甚多。未幾復大至。薄城東門。督兵奮擊。  
兵潰死焉。贈左參政。錄一子。明年倭犯無為洲。同知齊  
恩率舟師。敗倭於團山北等港。斬首百餘級。子嵩年十

八。最驍勇。擊倭至安港。伏發被圍。恩家二十餘人。俱力  
戰死。惟嵩等三人獲全。贈恩光祿丞。錄一子。厚恤其家。  
建祠祀之。

孫鏜

孫鏜苦為人。商販吳越。倭擾松江。謁郡守。自請輸贖佐  
軍。守薦之參政翁大立。試以雙刀。若飛。錄為土兵。擊走  
倭。出參政任環圍中。遣人還苦。括家貲。悉召里兒為爪  
牙。吳中倚鏜若長城。倭舟渡泖。鏜突出。酣戰竟日。援  
兵不至。還至石湖橋。半渡。伏大起。鏜墮水中。刃死。贈光  
祿丞。錄一子。亦建祠祀。



杜槐

杜槐字茂卿。慈谿人。倭僮任俠。倭寇至縣。僉其父文明為部長。令團結鄉勇。槐傷父老。以身任之。數敗倭。副使劉起安委槐守餘姚。慈谿定海。遇倭定海之白沙。一日戰十三合。斬三十餘人。敵一酋。身被數鎗。墮馬死。文明擊倭鳴鶴場。斬酋一人。倭驚遁。稱為杜將軍。無何。追至奉化楓樹嶺。戰歿。文明贈府經歷。槐贈光祿丞。建祠並祀。廕槐子國子生。

黃釗 陳見等

黃釗字珍夫。安溪人。由舉人。歷官溫州同知。嘉靖三十

四年倭入犯。釗擊走之。知倭必復來。日夜為備。又三年倭果大至。釗出城逆擊。分軍為三。釗將中軍。其二軍帥皆執袴子。約左右應援。及與倭遇。倭遣衆分掩二軍。而以銳卒當中軍。釗發勁弩巨礮。戰良久。倭方不支。二軍帥望敵而潰。倭合兵擊釗。釗腹背受敵。遂被執。脅之降。不屈。責以金贖。釗笑且罵曰。爾不知黃大夫不愛錢邪。倭怒。裸而寸斬之。子購屍不獲。具衣冠葬。事聞。贈浙江參議。官一子。有司建祠。是年倭陷福清。舉人陳見率衆禦之。與訓導鄔中涵被執。大罵而死。倭乘勝犯惠安。知縣番禹林咸拒守五晝夜。倭引去。已復至。咸擊之鴨山。



窮追逐北。陷伏死。贈泉州同知。賜祠。任一子。其陷興化。延平同知奚世亮署府事。守踰月。城陷。力戰死。贈右參議。廕子賜葬。世亮字明仲。黃岡人。先是三十一年。台劾知事溧水武暉。追倭釣魚嶺。力戰死。上官不以聞。其子尚實訴於朝。為贈大僕丞。而廕尚實。為國子生。

王德叔沛

王德字汝修。永嘉人。嘉靖十七年進士。歷戶科給事中。定國公徐延德。丐無極諸縣間田為業。且言私置莊田。不宜以災傷免賦。德抗疏劾之。俺荅圍都城。屢陳軍國便宜。悉報可。時城門盡閉。避難者不得入。號呼徹西內。

德以為言。民始獲入。寇退。命募兵山東。所得悉驍勇。為諸道最。還朝。會李默長吏部。怒德規刺倭。出為嶺南兵備僉事。與巡撫爭事。投劾徑歸。默復起吏部。用前憾。落職閒住。德鄉居。以倭亂。奉母居城中。傾貲募健兒。為保障計。三十七年夏。倭自梅頭至大掠。德偕族父沛。督義兵擊之。宵遁。俄一舟突來。犯沛及族弟崇堯。崇堯修殲焉。以何倭復至。大掠。德憤怒。勒所部追襲。至龍灣。軍敗。手射殺數人。罵賊死。然倭自是不敢越德鄉。侵郡城矣。事聞。贈太僕少卿。世廕錦衣百戶。立祠曰愍忠。沛贈大僕丞。立祠予廕。



汪一中 王應鵬 唐 鼎

汪一中字正叔歙人嘉靖二十三年進士由開封推官歷江西副使四十年鄰境賊入寇薄泰和一中方譙投箸起曰賊鼓行而西掩我不備不早計且無噍類豈飲酒時乎嘗路遂以討賊屬之先是泰和巡檢劉芳力戰死賊怒磔其尸一中至率諸將吏祭曰爾職抱關猶死疆事吾待罪方面不滅賊何以生為遂誓師列陣鼓之俘五人斬首以徇且日陣如前會賊至左右軍皆潰賊悉赴中軍中軍亦潰一中躍馬當賊鋒射殺二人手刃一人而左脇中鎗二臂中刃三與指揮王應鵬千戶唐

鼎皆死妻程投於井家人出之喪至不食五日死一中贈光祿卿給祭葬謚忠愍妻程並贈卹如制

蘇夢陽 韋莊 孝 龍 旌

蘇夢陽萬曆間為雲南祿豐知縣三十五年十二月武定賊鳳騰霄反圍雲南府城轉寇祿豐夢陽率民兵出城力戰賊退去明年元旦方朝服祝釐賊出不意襲陷其城執之去不屈死贈光祿少卿有司建祠錄一子當祿豐之未陷也賊先犯嵩明丞吏目韋宗孝出禦而敗舍門死之贈本初同知廕子入國學有龍旌者趙易人由歲貢生為嵩明丞學正賊薄城被執罵賊死贈國子



博士。

張振德 章文炳等

張振德字季修。崑山人。祖情。從祖意。皆進士。情福建副使。意山東副使。振德由選貢生。授四川興文知縣。縣故九絲蠻地。萬曆初。始建土牆數尺。戶不滿千。永寧宜撫奢崇明有異志。潛結奸人。掠賣子女。振德捕奸人。論配之。招還被掠者三百餘人。崇明賄以二千金。振德怒。却之。裂其牘。天啓元年。方赴成都。與鄉閭事。而崇明部將樊龍。殺巡撫徐可求。副使駱日升。李繼周等。重慶知府章文炳。巴縣知縣段高選。皆抗節死。賊遂據重慶。時振

德義署長寧。去賊稍遠。從者欲走長寧。振德曰。守與文正也。疾趨入城。長寧主簿徐大禮。與振德善。以騎來迎。振德却之。督鄉兵與戰。不敵。退集居民城守。會大風雨。賊毀土城入。振德命妻錢及二女。持一劍坐後堂。曰。若輩死此。吾死前堂。乃取二印繫肘後。北向拜曰。臣奉職無狀。不能殺賊。惟一死明志。妻女先伏。斃死。乃命家人舉火。火熾自剄。一門死者十二人。賊至火所。見振德尚如生。左手繫印。右手握刀。忿怒如赴敵狀。皆駭愕。羅拜而去。事聞。賜祭葬。贈光祿卿。謚烈愍。敕有司建祠。世廕錦衣十戶。振德既死。興文教諭劉希文代署縣事。甫半



載賊復薄城誓死不去妻白亦慷慨願同死城破夫婦  
罵賊並死大禮守大寧城亦陷大禮曰吾不可負張公  
一家四人仰藥死贈重慶同知世廕百戶文炳長泰人  
萬曆四十一年進士歷戶部郎中遷知府治行廉潔吏  
民愛之賊既殺巡撫可求等文炳罵賊亦被殺後知其  
賢為覓屍殯而歸之喪出江上夾岸皆大哭贈太僕少  
卿再贈太常卿世廕外衛副千戶高選雲南劍川縣人  
萬曆四十七年進士適在演武場聞變立遣吏歸印於  
署厲聲叱賊賊魁戒其下勿殺而高選罵不絕聲遂遇  
害父汝元母劉側室徐及一子一女聞變皆自盡僕冒

死覓主屍亦被害初贈尚寶卿世廕百戶崇禎元年子  
暄援振德例叩閭請優恤贈光祿卿世廕錦衣千戶建  
祠奉祀汝元等亦獲旌十五年復以謚請賜謚恭節時  
先後殉難者灌縣知縣左重率壯士追賊成都力戰馬  
蹶罵賊死南溪知縣王碩輔城陷自盡賊支解之桐梓  
知縣洪維翰城陷奪印不屈死典史黃啓鳴亦死郫縣  
訓導趙愷率衆擊賊被刺死傅義推官馮鳳雛挺身禦  
賊被創死傅義司獄蘇僕威遠經歷袁一修義不汗賊  
墜城死大足主簿張志譽典史宋應舉集兵奮戰力屈  
死所司上其狀贈重碩輔維翰尚寶卿世廕千戶啟鳴



重慶通判。愷重慶同知。俱世廕。試百戶。崇禎十二年。重  
 子廷舉。授高選例。乞恩命。如其請。崇明父子據永寧。貴  
 陽同知嘉興王昌允。分理永寧衛事。死難。贈僉事。賜祭。  
 崇禎初。其子監生世駿言。賊踞永寧。臣父刺血草三揭。  
 繳印上官。以次年五月再拜自縊。賊恨之。焚其屍。二孫  
 一孫女。及僕婢十三人。同日被害。乞如張振德例。優加  
 卹典。報可。

董盡倫 李忠臣 高光等

董盡倫字明吾。合甌人。萬曆中舉於鄉。除清水知縣。調  
 安定。咸有惠政。秩滿。安定人詣闕奏留。詔加鞏昌同知。

仍覲縣事。久之以同知理甘肅軍餉。解職歸。天啓初。奢  
 崇明反。率衆薄城。盡倫偕知甌翁登彥固守。賊遣使說  
 降。盡倫大怒。手刃賊使。抉其睛啖之。屢挫賊鋒。城獲全。  
 復率衆援銅梁有功。尋被檄擣重慶。孤軍深入。伏四起。  
 遂戰死。贈光祿少卿。世廕百戶。建祠奉祀。尋改廕指揮  
 僉事。崇禎初。論全城功。改廕錦衣千戶。其時里居士大  
 夫死節者。有李忠臣。永寧人。官松潘參政。家居陷賊。募  
 死士。密約總兵官楊愈懋。令以大兵薄城。已為內應。事  
 洩。合門遇害。高光瀘甌人。嘗為應天通判。城陷。薙髮為  
 僧。與子在峴。募壯士。殺賊百餘。賊怒。追至大葉壩。光罵



日史三傳 卷之十一 三十一  
賊不屈。與家衆十二人同死。胡鎮永率舉人。預策崇明必反。上書當事不納。賊起被執。嚴刑錮獄中。弟緯頌家救免。乃糾義徒。潛結賊將張令等。執其僞相。部勒行陣。自當一面。數斬賊。賊甚畏之。既而為火藥焚死。聶繩昌富順舉人。毀家募義勇。禦賊戰死。吳長齡瀘州監生。率衆恢復瀘州。尋中伏。父子俱戰死。胡一夔興文人。任龍陽縣丞。被執不屈死。皆未予恤。

龔萬祿 李世勛 翟英等

龔萬祿。貴為人。目不知書。有膽志。膂力過人。從劉綎征楊應龍。先登海龍岡。署守備。戍建武所。奢崇明反。衆推

萬祿遊擊將軍。主兵事。指揮李世勛名位先萬祿。亦受節制。戮力固守。崇明謀犯成都。憚萬祿牽其後。遣部將張令說降。令與萬祿結。給崇明以降。崇明果遣他將來戍。萬祿脅降之。誘殺無算。復微服走徐刃。說副使徐如珂曰。賊精騎萃成都。畱故巢者悉老弱。誠假萬祿萬人。搗其巢。彼必還救。成都圍立解矣。如珂奇其計。而不能用。未幾賊悉衆攻建武。萬祿邀擊十里外。兵少敗還。城遂陷。世勛具衣冠再拜。率家屬自焚死。萬祿手刃兩妾。兩孫自刎不殊。乃握稍。馳出大呼。我龔萬祿也。孰能追我者。賊相視不敢逼。走至叙刃。乞師巡撫朱燮元。遂以



兵復建武。會官軍敗於江門。賊四面來攻。萬祿力戰三日。手刃數十人。與子崇學並死。詔贈都督僉事。立祠賜祭。世蔭百戶。時成都衛指揮翟英扼賊龍泉驛。成都後衛指揮韓應泰赴援成都。遇賊草堂寺小河所。鎮撫郁聯若鏖賊城西。茂州百戶張羽救援郫縣。皆力戰死。

管良相 李應期等

管良相者。烏撒衛指揮也。為入慷慨負奇節。天啓初樊龍等反於四川。巡撫李標召至麾下。與籌軍事。良相策安邦彥必反。佐標為固守計。尋以祖母疾。乞假歸。泣語標曰。烏撒孤城。密邇水西。且與安效良相讐。水西有變。

禍必首及。良相無子。願以死報國。乞建長策。保此一方。逾月邦彥果反。圍其城。良相固守不下。久之外援不至。城陷自縊死。同官李應期。朱運泰。蔣邦俊。亦遇害。時普定衛王明重。威清衛邱述堯。平壩衛金紹勛。壩陽把總簡登。龍里故守備劉臯。臯子景並死難。而訓導劉三畏。賊至不避。兀坐齋中。見殺人。稱龍里三劉。

徐朝綱 楊以成 孫克恕 鄭昂

徐朝綱雲南晉寧人。萬曆二十八年舉於鄉。天啓元年授安順推官。至即署府事。明年安邦彥反。來攻城。朝綱督兵民共守。土官溫如璋等。開門迎賊。朝綱奮怒督戰。



賊執之。逼降不屈。索其印。罵曰。死賊奴。吾頭可斷。印不可得。賊怒。刀斧交下而死。其妻聞之。登樓自縊。長子婦急舉火焚舍。挈十歲女。躍烈燄中死。孫應魁年十六。持矛潰圍出城。覓其祖。遇賊被殺。婢僕從死者十一人。五年正月。恤殉難諸臣。贈朝綱光祿少卿。廕子入國學。子天鳳甫第進士。卽奔喪。服闋。授戶部主事。疏言。臣家一門。臣死忠。妻死節。婦死姑。孫死祖。婢僕死主。此從來未有之節烈。乞如張振德例。再加優恤。臣母臣嫂一體旌表。帝深嘉之。再贈光祿卿。改廕錦衣世千戶。賜祭葬。立祠建坊。諸從死者皆附祀。同時殉難者。揚以成雲南。

路南人。萬曆中。由貢生授貴陽通判。理畢節衛事。秩滿進同知。仍治畢節。那彥圍貴陽。以成具蠟書。乞援於雲南。巡撫沈澈。劾書發。而賊已至。戰却之。賊來益衆。以成遣吏懷印。間道趨省。身督吏民拒守。會援兵至。賊方夜逃。而衛吏阮世爵為內應。城遂陷。以成倉皇投繯。賊繫之去。乃為書述賊中情形。實竹筒中。遣弟以恭赴雲南。告變。至散納溪。賊搜得其書。并以成殺之。家屬死者十三人。贈按察僉事。賜葬。鄭昂字爾調。龍溪人。由鄉舉為廣順知州。策安邦彥必反。上書當事言狀。州故無城。督民樹柵。實以上。無何。那彥果反。來攻城。昂誓死固守。或



言賊勢盛。宜走定番。鼎曰。吾守土吏也。義當與城存亡。及賊入。與土官金燦。端坐堂上。並為賊所殺。婢僕從死者六人。吏目胡士統被執。亦不屈死。巡撫李樞。上於朝。贈僉事。賜祭。崇禎元年。以成子舉人興南。鼎子舉人崐。復皆援朝綱例。請加恤。並贈光祿卿。世廕錦衣千戶。予祭葬。有司建祠立坊。以恭亦附祀。崐。復後舉進士。歷御史尚寶卿。時有孫克恕者。字推之。馬平人。舉於鄉。歷官貴。為副使。分巡思石道。禦賊戰死。有虎守其骸不去。蠻人嗟異。事聞。贈太僕卿。賜祭葬。

臣 姬文允 孟承光

姬文允字士昌。華州人。舉於鄉。天啓二年。授滕縣知縣。視事甫三日。白蓮賊徐鴻儒薄城。民什九從亂。文允徒步叫號。驅吏卒登陴。不滿三百。望賊輒走。存者纔數十。問何故從賊。曰。禍由董二。董二者。故延綏巡撫董國光子也。居鄉貪暴。民不聊生。故從賊。文允憑城諭曰。良民以董二故。挺而從賊。吾將執二。實諸法。為若雪憤可乎。文允身長赤面。鬚髯戟張。賊望見。駭為神人。皆謹呼羅拜。俄而發箭西隅。斃二賊。視之。延綏沙柳箬也。賊謂文允給之。大憤肉薄登城。眾悉潰。文允緋衣坐堂皇。嚼齒罵賊。賊前搏裂冠裳。械繫之。罵不屈。三日。潛解印。昇小



吏魏顯照及家僮李守務北向拜闕。遂自經。賊擄掠顯照家。印顯照替授其父。而與守務罵賊。並死之。事聞。贈太僕少卿。立祠致祀。錄一子。優恤顯照守務家。董三踰城遁去。時賊陷鄒縣。博士孟承光被執。詬詈不屈。死。贈尚寶少卿。世廕錦衣千戶。承光字永觀。亞聖裔。世廕五經博士也。

朱萬年 秦三輔等

朱萬年黎平人。萬曆中舉於鄉。歷萊州知府。有惠政。崇禎五年。叛將李九成等陷登萊。率眾來犯。萬年率吏民固守。時山東巡撫徐從治登萊巡撫謝璉並在城中。被

圍。堅守數月。從治中礮死。賊詭乞降。璉率萬年往受。為所執。萬年曰。爾執我無益。盍以精騎從我。呼守者出降。賊以精騎五百擁萬年至城下。萬年大呼曰。我被禽誓必死。賊精銳盡在此。急發礮擊之。毋以我為念。守將楊御蕃不忍。萬年復頓足大呼。賊怒殺之。城上人見萬年已死。遂發礮。賊死過半。事聞。贈大常卿。賜祭葬。有司建祠官一子。初賊掠新城。知縣秦三輔訓導王協中禦之。並死。其陷黃縣。知縣吳世揚罵賊死。縣丞張國輔參將張奇功守備熊奮渭皆力戰死。陷平度。知州陳所聞自縊死。三輔世揚贈光祿少卿。所聞贈太僕少卿。並賜祭



葬建祠廕子。協中國輔奇功亦贈恤。存差三輔三原人。世揚洛陽人。所聞畿輔人並起家乙榜。

張瑤玉與夔等

張瑤蓬萊人。天啓五年進士。授開封府推官。絕請寄。抑豪強。吏民畏如神。崇禎四年行取入都。吏科朱鳴梧力援。來致為給事。而抑瑤投府同知。瑤怒。疏據政行賄狀。吏部尚書閔洪學劾瑤饋遺奔競。鳴梧復極論之。謫河。勿判官。未赴。明年正月。李九成等逼登州。瑤率家眾登陣拒守。城陷。瑤猶揮石奮擊。賊擁執之。大罵不屈。被殺。妻女四人並投井死。贈光祿少卿。先是賊陷新城。舉人

王與夔張儼然死之。其陷他縣者。貢生張聯台。蔣時行亦死之。皆格於例不獲旌。禮部侍郎陳子壯上言。舉貢死難。無恤典。奮制也。然名既登於天府。恩獨後於流官。九泉之下。能無怨恫。比者武舉李調。禦賊捐軀。已蒙贈恤。武途如此。文儒安得獨遺。乞量贈一官。永為定制。可之。乃贈與夔儼然宛平知縣。聯台時行順天府教授。其後地方死難。若舉人李讓。吳之秀。賈煜。張慶雲。貢生張茂貞。張茂恂。皆贈官如前制。

何天衢湯子陞

何天衢字升宇。阿迷州人。有勇畧。素著名聲。招為頭



目使駐三鄉。崇禎三年名聲及。謀賊路兵至昆明會戰。令天衢自維摩羅平入。以礮手三百人助之。天衢慨然曰。此大丈夫報國秋也。吾豈為逆賊用哉。坑殺礮手數十人。率衆歸。附署維摩州同知李嗣泌。開城納之。名聲已陷彌勒。聞大懼。急撤兩路兵歸。巡撫王伉上其事。授為守備。後數與嗣泌進勦有功。及名聲死。妻萬氏代領其衆。屢攻天衢。天衢屢挫之。錄功進參將。十三年擢副總兵。萬氏贅沙定洲為壻。益以南安兵。且厚賂黔國公用事者。令毀天衢。天衢請兵餉。皆不應。賊悉力攻之。食盡。舉家自焚死。初名聲之亂。有楊于陞者。劍刃人舉。

於鄉。歷官武定府同知。巡撫伉令監紀軍事。兵敗被執。死之。贈大僕少卿。建祠曰精忠。

潘宗顏 寶永澄等

潘宗顏字士瓚。保安衛人。善詩賦。曉天文兵法。舉萬曆四十一年進士。歷戶部郎中。數上書當路言遼事。當路不能用。以宗顏知兵。命督餉遼東。旋擢開原兵備僉事。四十六年馬林將出師。宗顏上書經畧。楊鎬曰。林庸懦。不堪當一。乞易他將。以林為後繼。不然必敗。鎬不從。宗顏監林軍。出三岔口。營狎子峪。夜聞杜松敗。林軍遂譁。及且。大清兵大至。林恐甚。一敗。策馬先奔。宗



顏殿後奮呼衝擊。膽氣彌厲。自辰至午。力不支。與遊擊  
竇永澄守備江萬春贊理通判董爾礪等皆死焉。事聞。  
賜祭葬。贈光祿卿。再贈大理卿。廕錦衣世百戶。謚節愍。  
立祠奉祀。永澄等亦賜恤如制。

張銓

張銓字宇衡沁水人。萬曆三十二年進士。授保定推官。  
擢御史。巡視陝西茶馬。以憂歸。起按江西。時遼東總兵  
官張承蔭敗歿。而經畧楊鎬方議四道出師。銓馳奏言。  
敵山川險易。我未能悉知。懸軍深入。保無抄絕。且突騎  
野戰。敵所長。我所短。以短擊長。以勞赴逸。以客當主。非

計也。昔臚胸河之戰。五將不還。奈何輕出塞。為今計。不  
必徵兵四方。但當就近調募。屯集要害。以固吾圉。厚撫  
北關。以樹其敵。多行間諜。以攜其黨。然後伺隙而動。若  
加賦選丁。騷擾天下。恐識者之憂不在遼東。因請發帑  
金補大僚。宥直言。開儲講。先為自治之本。又言李如柏。  
杜松。劉綎。以宿將並起。宜責鎬約束。以一事權。唐九節  
度相州之潰。可為明鑑。又言廷議將血承蔭。夫承蔭不  
知敵誘。輕進取敗。是謂無謀。猝與敵遇。行列錯亂。是謂  
無法。率萬餘之眾。不能死戰。是謂無勇。臣以為不宜恤。  
又論鎬非大帥才。而力薦熊廷弼。四年八月夏復上疏。



言自軍興以來。所司創議加賦。畝增銀三釐。未幾至七釐。又未幾至九釐。辟之一身。遼東肩背也。天下腹心也。肩背有患。猶藉腹心之血脉滋灌。若腹心先潰。危亡可立待。竭天下以救遼。遼未必安。而天下已危。今宜聯入心以固根本。豈可朘削無已。驅之使亂。且陛下內廷積金如山。以有用之物。置無用之地。與瓦礫糞土何異。乃發帑之請。叶闇不應。加派之議。朝奏夕可。臣殊不得其解。銓疏皆關軍國安危。而帝與當軸卒不省。縱松敗時。謂銓有先見云。熹宗即位。出按遼東。經畧袁應泰。下納降令。銓力爭不聽。曰。禍始此矣。天啓元年三月。瀋陽破。

銓請令遼東巡撫薛國用。帥河西兵駐海州。薊遼總督文球。帥山海兵駐廣寧。以壯聲援。疏甫上。遼陽被圍。軍大潰。銓與應泰分城守。應泰令銓退保河西。以圖再舉。不從。守三日。城破。被執。不屈。欲殺之。引頸待刃。乃送歸署。銓衣冠向闕拜。又遙拜父母。遂自經。事聞。贈大理卿。再贈兵部尚書。謚忠烈。官其子道濬錦衣指揮僉事。銓父五典。歷官南京大理卿。時侍養家居。詔以銓所贈官加之。及卒。贈太子太保。初。五典度海內將亂。築所居寶莊。為堡。堅甚。崇禎四年。流賊至。五典已歿。獨銓妻霍氏在。衆請避之。曰。避賊而出。家不保。出而遇賊。身更不保。



等死耳。盡死於家。乃率僮僕堅守。賊環攻四晝夜不克而去。副使王肇生名其壘曰夫人城。鄉人避賊者多賴以免。道濟既官錦衣。以忠臣子見重。屢加都指揮僉事。僉書衛所。顧與閹黨楊維垣等相善。而受王永光指。攻錢龍錫。成基命等。為公論所不予。尋以納賄事敗。戍鴈門。流賊起。山西巡撫宋統殷檄道濟軍前贊畫。道濟家多壯丁。能禦賊。崇禎五年四月。賊犯沁水。寧武守備猛忠戰死。道濟遣遊擊張瓚馳援。賊乃退。八月。紫金樑差回回八金剛等。以三萬衆圍寶莊。謀執道濟以脅巡撫。道濟屢敗賊。賊乃欲因道濟求撫。紫金樑請見。免宵前

曰。我王自用也。誤從王佳允至此。又一人跪致辭曰。我宜川廩生韓廷憲。為佳允所獲。請誓死奉約束。道濟勞遣之。而陰使使唱廷憲圖賊。賊至奮縣。守約不動。廷憲日慕紫金樑就款未決。官軍襲之。賊怒。尤廷憲。遂敗約。南突濟源。陷溫陽。九月。廷憲知紫金樑疑已。思殺之以歸。約道濟。伏兵沁河以待。道濟遣所部劉偉佐之。是夕賊攻諸生蓋汝璋樓。掘地深丈餘。樓不毀。賊怒誓必拔。鷄鳴不得間。廷憲知事且洩。偕倖倉卒奔。賊追之。及河伏起。殺追者滾山虎等六人。皆賊腹心也。賊臨沁河。索廷憲。寶莊東面河。道濟潛渡上流。繞賊後大噪。賊駭道



去未幾官軍扼賊陵川師潰道濬據丸仙臺以免十二月廷憲知紫金椽亂世王有隙縱謀遺書間之亂世王果疑遣其弟混世王就道濬乞降時統殷以失賊罷許馮臣來代主進討道濬權詞難之曰斬紫金椽以來乃得請混世王快快去賊衆遂分部掠諸郡縣明年三月官軍躡賊自陽城而北道濬設伏三纏凹禽賊渠滿天星等巡撫馮臣奏道濬功第一八月賊陷沁水沁水當賊衝去來無時道濬倡鄉人築堡五十四以守賊五犯皆却去至是乃陷道濬率家衆三百人馳赴擊賊賊退徙十五里道濬收散亡捕賊衆傾家困以餉副使王肇

生列狀上道濬功道濬故得罪清議冀用軍功自湔袪而言者劾其離伍冒功巡按御史馮明玠覆劾謂沁城既失不可言功乃更戍海寧城

何廷魁徐國全

何廷魁字汝謙山西威遠衛人萬曆二十九年進士授涇縣知縣調寧晉遷刑部主事歷歸德衛輝河南知府西寧副使坐考功法復為黎平知府會遼事棘遷副使分巡遼陽表應泰納降廷魁爭不聽及瀋陽破同事者遣孛婦廷魁曰吾不敢為民望大清兵渡濠廷魁請乘半濟急擊之俄薄城圍未合又請盡銳出禦應泰並



不從。遼陽破，廷魁懷印，率其妾高氏、金氏投井死。婢僕  
 從死者六人。都司徐國全聞之，亦自經公署。事聞，贈光  
 祿卿。再贈大理卿。賜祭葬，謚忠愍。世廕錦衣百戶。國全  
 贈恤如制。

明史三傳卷之一



